

MEGA TRAVEL d.o.o. Kakanj

Društvo za prevoz putnika i turizam

V Divizije (Podvarda) 1 72240 Kakanj Bosna i Hercegovina



PDV ID broj: 218187630002
Matični broj: 05281910
TR (IKB dd Zenica Ex Kakanj):
134020000056181
MBS: 43 - 01 - 0184 - 15
(stari broj 1-7857)

Broj: B2191-04/21
Kakanj, 16.04.2021.god.

OPĆINA KAKANJ
OPĆINSKO VIJEĆE
Branilaca br. 1,
72240 Kakanj

PREDMET: *Zahtjev za subvenciju dijela registrovanih redova vožnje, traži se*

Društvo „Mega Travel“ d.o.o. Kakanj, obraća Vam se sa zahtjevom da razmotrite modele subvencije prijevoza putnika na području općine Kakanj, kako bismo mogli nastaviti uredno održavanje linija na području naše općine, a sve u svrhu zadovoljstva krajnjih korisnika naših usluga, odnosno stanovnika općine Kakanj. Društvo „MEGA TRAVEL“ d.o.o. Kakanj navedenim zahtjevom obraća se Vama kao jednom od nadležnih organa, kako biste u okviru svojih zakonskih ovlaštenja poduzeli sve neophodne mjere s ciljem rješavanja problema javnog prijevoza na području općine Kakanj.

Želimo napomenuti da je društvo „Mega Travel“ d.o.o. Kakanj, kao jedini prijevoznik koji trenutno ima registrovane redove vožnje na području općine Kakanj, dovedeno u jako nezavidnu poziciju u kojoj se od nas očekuje ispunjenje obaveza koje imamo kao prijevoznik, ali istovremeno opterećeno brojnim poteškoćama koje dovode u pitanje redovno izvršavanje obaveza. Pored svih problema koji su povezani sa javnim prijevozom i čijem se rješavanju već duže vremena nije ozbiljno pristupilo i nije im posvećivana pažnja koju zaslužuju, proteklih nekoliko mjeseci su bili naročito izazovni i otkrili su sve manjkavosti u ovoj oblasti. Naravno, govorimo o situaciji proglašenja pandemije COVID-19, koja je naročito pogodila sektor prijevoza i prouzrokovala mu velike gubitke. Bitna okolnost koju treba spomenuti jeste da u situaciji proglašene pandemije djeca većim dijelom prošle, a i ove godine nisu išla u školu, znatno je manje specifične kategorije putnika-penzionera koji odlaze na pijacu, kao i da je generalno smanjen broj putnika koji svakodnevno koriste javni prijevoz. Prema internim analizama i pokazateljima društva „Mega Travel“ d.o.o. Kakanj ustanovljeno je da je došlo do pada broja putnika od najmanje 60 %, a da su troškovi održavanja linija ostali isti kao i u normalnoj situaciji, odnosno prije proglašenja pandemije.

Održavanje redova vožnje je moguće samo uz sufinansiranje istih do momenta sticanja uslova za povećanje broja putnika što će povećati rentabilnost poslovanja.

Društvo „Mega Travel“ d.o.o. je i pored svih nedaća s kojima je bilo suočeno, posve odgovorno i bez ikakvih ograničenja izvršavalo svoje zakonske obaveze, postupajući pritom u skladu sa preporukama i naredbama ovlaštenih organa. Sve vrijeme, od momenta proglašenja pandemije do danas smo redovno održavali linije u uvjetima znatnog smanjenja broja putnika, što je dovelo do znatnih troškova koje nismo mogli pokriti kroz prihod ostvaren obavljanjem naše osnovne djelatnosti. Dovedeni smo u situaciju u kojoj moramo maksimalno rezati troškove, što će neupitno dovesti do obustave prijevoza, i otpuštanja radnika.

Želimo Vam skrenuti pažnju na činjenicu da ćemo u slučaju nepostupanja po našem zahtjevu biti primorani poduzeti jedinu mjeru koja nam stoji na raspolaganju, odnosno obustaviti autobuski prijevoz putnika na području općine Kakanj, počevši od 01.05.2021. godine.

S poštovanjem,

Dostaviti:
Naslovu 1x
a/a 1x



Direktor: Sačić Elzudin

Tel: +387 32 / 552-000
Tel: +387 32 / 552-001
e-mail: megatravel@hotmail.com
www.megatravel.ba



Šef saobraćaja: +387 61 / 720-423
Direktor: +387 61 / 384-170